

民國二十一年

廈門工商業大觀

于右任



廈門工商業大觀

第二章 地理

(甲) 疆域

第一節 沿革

廈門一浮島也。四面碧海環抱。山屏欄案。堡塹帶東。聳宇伏垣。風光漪漣。誠一幅天綉之址壤也。查廈島宋時曰嘉禾嶼。又稱嘉禾里。鷺江誌云。宋太平興國時。產嘉禾一莖數穗。故名。另一說：唐時陳邕忤權相李林甫。被謫入閩。先建閩院於漳州。其子夷則。『仕唐爲光祿大夫。邕病。召之入閩。』因夢隱田禾。遂挈眷遷入島中。故名嘉禾云。明時爲中左所。太祖二十年。命江夏侯周德興建城。稱廈門城。廈門之名自此始。矧嘉靖三十年。葡萄牙人至廈門。求通商。許之。是爲我國與西人第二通商港。清初。鄭成功據以抗清。屢失屢復。卒陷於清。康熙十九年春。置總兵。二十二年。鄭成功叛將施琅。(奴忠於清爲靖海將軍)鎮駐廈門。於是水師提督開府於此。二十五年。以泉州同知分防設廳。雍正五年。又以興泉永道駐焉。道光二十二年。鴉片

之役。南京條約成立。開放爲五口通商口岸之一。民國二年。邑人舉代表赴省。建議設縣。是年四月改縣治。曰思明。蓋本延平郡王意也。今轄於閩海軍。設警備司令部。爲全國要港之一。

竊廈門一名鷺島。亦曰鷺江。鷺嶼。鷺門。但未稔考諸何義。或曰。島未拓居時。島中均鷺棲址。或云島之地形如鷺。解故以名。兩說屬是。人言人殊。又謂廈島初如桃形。後填蝕乃成鷺形。此說較可韋。

第二節 全島形勢

廈門位置。在福建同安縣東南。港灣蜿蜒。列嶼拱繞。島則在港之東北角。當北緯二十四度四十分。東經百十八度。島離同安縣城六十里。水程七十里。港內水深。宜於碇泊。爲南部海上貿易要港。四周羣島星羅。扼各屬咽喉。毗紐漳泉。東聯烈嶼金門。西接寶珠高浦。太武當南。涵州橫北。西南出海澄龍溪。白礁峙焉。東南貫串大小二擔。通搗台灣。遠達汕頭。香港。津滬等埠。並與南洋羣島。遙通聲氣。乃商賈經營南洋者。尤恃爲配運靈便之區。亦華僑出入必經之門戶也。對岸爲鼓浪嶼。周圍三里有奇。清光緒二十八年。闢爲公共租界。風景極佳。廈門近年厲行市政建設。圻城造路。填築

長堤。固視前此街衢狹隘。遮陽蔽天。已不可同日語。將來路堤完成。交通便利。輪車綰轂。檣舶雲集。貿易繁盛。不難一躍而握華南沿岸商務之牛耳也。然於廈島形勢綦詳。莫於同安縣志論載縝澈。其誌廈門形勢云：『大嶼盤礴。近帖內地。蘊之以質當。輔之以鼓浪。高居堂奧。雄視漳泉。』又海國聞見錄云：『金門爲泉州之下臂。廈島爲漳郡之咽喉。』清楊國春撰鷺江山水形勢云：『禾島自同邑分龍。迤邐西界而來。由天柱越仙旗。起伏五十餘里。崗巒重疊。東行至文圃山。嶄然屹峙。蜿蜒而下。踰龍門。過朱嶺（朱子所到處）挺起大屏山。頓伏跌斷。至排頭門。列嶂橫飛。蓄勢臨江。崩洪渡水。天馬北峙。太武南雄。左輔寶珠。右弼猴嶼。日月護峽分明。北有金髻鏡臺鼠嶼爲送。南有東坑白嶼嵩嶼爲護。過海突起一山。如牛眠。名牛家村。廈之龍基焉。盤薄鬱積。崔嵬特挺。爲小文圃。金頭水肩。鎮重如大文圃。倒降兩支迤邐。如北之婆娑。小馬。釣魚翁。狗嶼。虎嶼是也。又如南之觀音山。官溇山。東渡。蟾蜍山是也。又東行至浮雲山。歷唐邊。南山聳焉。腰落一支。結店前。后蓮。竹莖等鄉。又東延東白山。傍抽一支。結籃后。板上。鍾宅等鄉。遂東向斷跌。翻轉南行。一山橫列二里

許。雙龍結合。中有天池。養蔭龍氣。名薛嶺山。奔躍十餘里。洪濟山聳焉。岑巖巍峨。爲廈島諸山之冠。其間鄉村疊疊。如后坑。后埔。浦園。呂厝。蓮坂社等。一皆行龍所繫揚也。又自洪濟東分一支。結虎山。東澳。湖邊。何厝。高林。五通。諸社。中從雲頂。重峯疊嶂。頓跌西南。雁塔鄉其分支也。行十餘里。至獅山。出御屏。沿海南行。龍蟠虎踞。控水尖而引陽臺。鶴膝蜂腰。歷天界而挺虎岫。老龍脫潤。從靖山卸落。結聚入首處平地特出三台。明江夏侯周德興。相陰陽。觀流水。度地居民。建城其中。南分一支。由石泉山越鎮南關而下。勢如長蛇。迴環包裹。外而鼓浪嶼前拱。又外而青浦諸山作案。北有美頭山。水鷄腿。爲城后界。城前霞溪一水。北流貫當之源。繞案會潮而出。東南水口。則有虎頭山。龍頭山。對峙關鎖。外有大小擔兩嶼爲捍門。西南則太武。鎮海。旗尾護焉。東北則鴻漸烈嶼環焉。至若全廈水勢歸宿。北則同安海北界水。會聚於廈東南。西則漳州海澄東界水。會聚於廈西南。四水東注。八面旋繞。其中源於生氣。朝於大旺。流於囚榭。千形萬狀。難以盡述。經云。火從地中特地起。真形勢之奇也。雖其島縱橫三十里許。而山峰拱護。海潮迴環。市肆繁華。鄉村綉

錯。不減通都大邑之風。北扶輿磅礴之氣所鍾。可於小中見大焉。」

第三節 附山脈形勢圖



第四節 海道

廈門周圍皆海。曰嘉禾海。北望高浦。西界海澄。東扼烈嶼。南臨大海。汪洋浩瀚。障以太武。外嶼金門相爲犄角。二燈防於內。二擔捍於外。浯則孤懸海表。控制要衝。東南海口。如布置扁鑰。固若金湯。潮流歧分。因地屈折。南分三門。『大擔小擔青嶼。』東歧二派。南流從南而轉北。東流由東而旋西。自東來者。由北而至同安。自南來者。西繞鼓浪嶼而抵漳州。諸溪匯流。朝宗於海。潮汐漲洄。常一日而再至。四通八達。極水道交通之利。東至翔風里。金門島。水程約八十里。一潮可至。西至積善里鼎尾。約五十餘里。南至南太武山。半潮可至。北至安民唐厝港。西南至海澄。東北至劉五店。西北至從順里集美（原名潭尾）。如由高崎渡海。水程僅三十里。昔日帆船往返。均須趁潮。今雖火輪汽船。利用機力。無須風潮。但因附近各海港灣。砂泥淺淤。非俟潮漲。未由出入。是誠美中之憾也。第廈門常關。劃水道五十里。以紐屬各地爲範圍。範圍又分內港與外港。凡在嶼仔尾界線以內者。是謂內港。劉五店嶼仔尾以外者。是謂外港。

第五節 島嶼

廈門環海。四周島嶼。星羅棋布。不一而足。大小錯綜。多以形名。茲舉其犖犖大者。臚詳如次。鼓浪嶼——位在廈島對岸。周三里有奇。縱千九百二十九尺。橫二千四百尺。面積七百七十二畝。清光緒二十八年。由當地官吏。與英美德法日等七國領事。簽定闢爲公共租界。於是設立行政機關。若會審公堂與工部局。我國交涉使署。及各國領事署。關監督署。稅務司等等。（我國政府現在着手籌備向各關係國交涉收回中。）嶼中風景佳秀。市井秩序整潔。綽講衛生。中外富戶殷商巨賈。多築樓潤屋。視若世外桃源之福地。年來頻開劫案。安樂窩之名。遂稍殺而遜不及昔。且自廈埠市政改革以還。嶼中地價房租。亦以日跌。向之高貴。今已平賤。殆亦環境變遷使然也。然高樓大廈。金碧輝煌。其繁華壯麗。仍不稍減。清初鄭成功曾屯兵嶼上。遺砦殘壘。跡猶可尋。嶼左有劍石。印石浮海面。下有鹿耳礁。燕尾礁。嶼中巖仔山。又名龍頭山。有剝曰日光巖。石刻『鼓浪洞天』四大字。又鐫『鷺江第一』四字。羅入爲廈中八景之一也。又有鷄鳴石。（俗呼鷄母石）。昔傳海中輒有警鳴。後有金帶水。據

云昔宋幼主投金處也。又有三片石。產海苔。味淡可口。視爲珍品。嶼中多富家別墅園囿。以林爾嘉之菽莊爲最。園臨海濱。切石爲橋。曰四十四橋。風景幽絕。主人嗜風雅。良辰佳日。恆招騷人墨客。吟咏其中。有鷺門文壇雅數譽。（其他事業依類分詳書中）。

浯嶼——浯嶼在廈南海中。水道四通。爲海澄同安二邑門戶。明時置寨。後移廈門。（據云移於洪濟山故該山又名寨仔山）。山與崎嶇。上建天后廟。嶼前有小嶼。曰梧案嶼。後多海石。名九節礁。大小擔嶼——在廈門東南海中。連小擔嶼浯嶼。爲廈門海口門戶。北建天后廟。巔爲天燈山。有石鐫『第一津』三字。嶼北遠望爲白石頭。大數十丈。下有七星石。（白石頭在東南海邊。潮流所汰。潔白異常。故名）。志云：宋幼主過大擔嶼時。擲棄累物。以資輕舟。後水發光怪。漁人就其處入水求之。得古研焉。（小擔嶼與大擔嶼相對。周約四里）。

離浦嶼——在廈門西北海中。靠近高崎。因與薛浦相離。故名。

寶珠嶼——在西北高浦前海中。蓋沙嶼也。狀如珠。故名。

檳榔嶼——在廈門東。與小檐嶼相望。亦以形名。
黃牛嶼——在龍腰渡。古識云。龍腰斷。黃牛平。
嘉禾出公卿。

丙洲嶼——在廈門北海中。周圍二里許。當同安縣
丙方。因名。或曰。縣內兩溪入巽方。而此嶼在丙。
文明之象也。

白嶼——在廈門東北。丙洲嶼東。周圍約四里。同
安縣二水夾流入海。俱經丙洲。與是嶼漸下。嶼兩
頭昂起。狀如雙鯉朝天。有泉一泓。漁人常就汲焉。
志載白嶼有三。一在西北近寶珠嶼。一在南海近浩
嶼。此則居南海也。

鳳嶼——在西北實當港中。有浮沉石。隨潮汐而浮
沉。

青嶼——在南海海澄同安交會處。東接小檐。又有
紅瓜嶼。

虎仔嶼——在廈門東海金門廈門分界處。西北有
礁。名三礁。

蟹仔嶼——在廈門海北。近后蓮鄉。小渡船由此往
同安。上有鰲山宮。

猴嶼——在廈門港內。近鼓浪嶼。

圭嶼——在廈門西海。海澄廈門界處。屹立海中。
狀如龜浮波面。故亦名龜嶼。明末。曾置城建塔。

城已毀。塔猶存。屢經修葺。前年地震。復傾其半。
錢嶼——在廈門西處。去澳頭南半里。天啟二年。
上築銃城。與圭嶼木嶼相爲呼應。

木嶼——在廈門西。圭嶼居中。錢嶼與木嶼翼之。
明時設城戍守。今俱圯場矣。

嵩嶼——在鼓浪嶼對岸。與廈門遙遙相對。漳泉二
水。於此交匯。傳宋幼主浮舟過此。適屆誕辰。羣
臣構行殿。奉祝呼嵩。因以名焉。嶼北有龜嶼。蛇
嶼。羅列海中。其形甚肖。今漳厦交通鐵道。以此爲
起點。設總站。築碼頭月臺。漳嵩汽車。每日往回廿
次。爲漳厦交通一重要之地。美國美孚煤油公司築
油池於此。亞細亞火油公司近亦有援例築池之議。
漳厦剿匪司令兼四十九師師長張貞。發起嵩嶼改建
爲商場。查投資者頗不乏人。尤以南洋華僑巨商投資
爲最踴躍。現在積極籌備進行中。將來建設得成。
閩粵路通。不難成爲繁盛之區。

第六節 港澳

質當港——在島北。長可十里許。濶四里有奇。中
有鳳嶼。港口有動石。潮至自動。又有沒後石。潮
至則浮。潮退則沉。風將起。石下有聲。故又名石
虎礁。多漁舟。秋節前後。產一種小魚。漁人夜潮

漁焉。漁燈千百。如列星整齊。點點可觀。故有「賃當漁火」之稱。又產小魚。俗呼（江仔魚）目特紅。與他港產異。俗傳順治帝殞於此。魚食帝王血肉。故目特紅。穿鑿之言。不足信也。李厚基治閩時。籌畫築港造埠。工程未竟。見逐敗去。近有繼續興築之聲。（參閱本書市政欄）

廈門港——在廈鼓兩島間。宜於停泊。舟楫往來蟻集。港中多設浮錨。以利檣船。礁上建石塔。標潮表。以驗潮流之高下起落。其最高度為英尺二十二尺。

鍾宅港——在島北。近五通。潮至洪水橋。

東坑港——在島北。近目厝社。

青嶼港——在嘉禾海南。與小擔並列。巨艦商船。出入於此。

大擔門港——在嘉禾海南大小擔嶼之海口。中多礁石。

小擔門港——在嘉禾海南。與大擔港相接。礁石較小。與大擔門港。均為海船出入門戶。

牛家村澳——在賃當港內。明時設官渡。號東港。今廢。然石路遺址猶存。今設關卡。

塔頭澳——在禾山二十二都。明時置巡檢司於此。建有城碟。現圯。

東澳——離虎仔山五里許。有天后廟。石湖澳——有大石濶數十丈。明設石湖司。築小寨。今圯。其他如下尾火燒澳。神前澳。長塔澳。涵前澳。高崎澳。鼓浪嶼內厝澳等。均為大小船舶避風驢泊之所云。

第七節 溪河池

七池……八河……十三溪

（甲）七池

月眉池——在市西傳厝墓前。形如弦月。故名。經填成平地。為前市民大會所收買。現豎界則其舊址也。雙連池——在城西朝天宮下。兩池一岸。池水相通。因名。現填築為住宅。

八卦池——據傳云：斯池為廈中八池之最大者。當廈門聚居繁盛時。填海平溪。該池面積踞廣。亦經填平。今之八卦埕。則其池址。

演武池——在市南澳仔社口。演武亭側。傳鄭成功演武練兵池也。今供是處農民灌漑之用。

河仔池頭——在廈港溪仔墘。已填平有年矣。

澳仔大池——在廈港南部。現廈港楊氏宗廟前。一帶民房。則其池址。

放生池——在市南。即南普陀之寺前。四砌圍以石欄。玲瓏雅觀。地中養魚。大者有十餘斤。均係島中一般善男信女。所購往放養者。每屆佛誕。紅綠雲集。履影繽紛。爭投物屑。萬鱗鬥吞。考其義曰放食施德。主管其池者。爲寺之沙彌也。

乙 八河

龍船河——在市西美頭山下。與筓當港僅隔一岸耳。長寮河——在舊城南袁厝山下。一名鯤池。中浮小洲。曰桂洲。夏月種瓊菜。俗稱『瓊菜河』。按長寮河即瓊菜河。原爲廈門第一穢數。死畜殘腥。以至胎衣糟粕。均棄其間。一泓濁水。穢臭薰天。行人無不掩鼻而過之。遊廈門者。或竟戲稱爲廈門特異公園。(廈市前無公園)以相揶揄。年來市區改革。河填平地。乃今思明南路一帶樓屋。則其舊址也。昔日首穢之一區。今變成爲繁華之市矣。黃厝河——在市之東。離長寮河百餘步。填平有年。現教育會。則其舊址。而思明縣黨部。亦假其處。關刀河——在廈港福海宮邊。因河形若關刀。故名。嶽前河——在市北東嶽廟前。亦名東嶽河。中浮小洲。建寺曰荷庵。四面環水。大可一畝。植竹爲垣。架石爲橋。風景別饒佳緻。河中畜魚。以時網罟。獲利頗不鮮。現均劃建中山公園。

魁星河——在市北。接近嶽前河。上有魁星石。形如魁星。故名。其西有魁星閣。祀梓潼帝君。及魁星。(現劃建中山公園。水榭台則其閣址)。河中亦養魚。其利不亞於嶽前河。

鹽草河——在市北。橫於東嶽河與魁星河之間。現中入景山公園。大半河身填建陳列所。與圖書館及博物院。

竹仔河——在舊鎮南關前。回春廬之側(回春廬現改爲濟安醫院)。修竹翳蔭。圍環欄干。頗可入目。現填建馬路。接搗大生里。其他尚有洗布河等。書不勝錄。然多因地挖土窟陷。積水號名。殊無誌值。矧綜上所錄諸河。乃廈門老少婦幼口碑之八河也。

丙 十三溪

樵溪——在島東。近紫岩。源出獅山。曲折西流。經天界寺前。匯於水磨。而達於海。

水磨坑溪——在島東。經萬石岩。過深田內。至東嶽前。而注於海。

帶溪——在島東北。源出陽台山。經白鶴嶺。至斗門。入於海。

雙溪——在島東。(一)出石泉。經前園宮。至於橋亭。(二)出白鹿洞山下。經靖山至南門。同流匯於霞溪。而入於海。

龍舌溪——島在東北潘厝社。出洪濟山。北流入海。

古數溪——在島北。源出洪濟山。東流入海。

霞溪——在市南。源出雙溪。經關仔內。至後海墘。流入於海。

連溪——在島東北。出洪濟山。經連坂社。達質當港。入於海。

港口溪——在島東。出坪山。經上李社。至曾厝垵。入於海。

前後溪——在島東北文灶社前後。(一)出紫占山。經萬壽宮前。(二)出孤嶺。經金榜山後。皆匯質當港。而入於海。

虎溪——在市東。至玉屏山下。

附言：『凡溪流之經過城市間者。上均覆以石版。作為街道。或穿由人家屋下而過。故就市區觀察。幾不見溪。或曰。與其為溪。不如謂之暗溝也。』

第八節 山丘

(其他大小八景參閱名勝古蹟)

洪濟山——在城東北二十五里。峭崿聳秀。嘉禾山脈。發源於此。為廈島諸山冠。上有方廣寺。黯濟岩。留雲洞。一片瓦。風動石。星石諸勝蹟。絕頂

有觀日台。與鷄鳴寺相遙對。故有鷄鳴洪濟浮日之語也。

金榜山——在洪濟山西南。山黃色如列榜。因名。

一名場老山。查唐文士陳黯。累舉不第。匿隱於是山。自號場老。山有石刻『迎仙』二字。築樓其上。

名『迎仙樓』。現圯塌。時堂側石壁高十六丈。名『玉笏』。另石鐫『談玄石』。傳為朱子筆書。臨海有石曰『鷹搏兔石』。俗傳陳黯釣磯也。

五虎山——在城市南六里。山形如五虎蹲踞。故名。

五老山——在城南六里。山形狀俏老衲。圍席盤坐着棋。山腰有巨石盤。如棋盤。稱『五老圍棋』。

因名五老山。山下即南普陀寺在焉。查該寺係宋僧文翠建『普照寺』。寺廣常居僧百數十人。歷代俱名普照寺。迨至清康熙年間。靖海將軍施琅重建。乃改名『南普陀』。左右有『鐘鼓山』。有洞名六月寒。洞左有雲巢。乾隆間。寺右復建有龍王廟。

文公山——在城市東。虎山之北。傳朱子嘗遊其巔。故名。

虎山——在城東三十里。山形儼如一虎蹲踞。故名。萬歷初建塔其上。山麓築亭曰龍湫。下有龍洞。中藏一泓。四時不涸。

虎頭山——在市南里許。山臨海濱。危石聳立。上

戴兩小石如虎斗。故名。與鼓浪嶼龍頭山。遙遙相峙。因是有『龍虎鎖水口』之稱。山下有泉曰。『虎母尿』。水淡可口。啜茗家。均挑以冲茶潤腸。清時日本要求爲其租界。弱清政府許之。消息播聞。厦民衆急起抗爭。乃不果。(現建公園)

龍頭山——在鼓浪嶼中。俗稱岩仔山。間聳石峭。刻有『鼓浪洞天鷺江第一』。

烟墩山——在城東。文公山之東。下有官榮石。傳宋幼主過此。民有餽獻者。悉予以官。陸丞相秀夫。書『官榮』二字。深鑄入石以耀。

紫占山——在城北四里許。勢頗雄偉。石壁巉岩。綿纏數里不絕。

小文圃山——在城西西北約二十里許。狀若文圃而小。

金山——在城市東北。亦名金山原。近洪水橋。赤色無草。因名。

蜂窠山——在城南三里許。高懸如蜂窠。前望海中。有白沙如帶。若隱若現。長約數百丈。風水淘汰。

毫無損蝕。上有七星石在焉。(現闢新區)

陽台山——在城東北二里有奇。高數百丈。峯巒聳秀。

鴻山——在城東南里許。間築刹曰鴻山寺。寺現爲

閩南佛化新青年會會所。下開馬路。餘界砌壁峭立。極爲壯觀。去百步則大生里。紙迷金醉。笙歌筦閣。漫漫過是處。殊引人頓興色則是空。空則是色之嘆。鳳凰山——在城南里許。在望高石山北。相距數百步。其下有榕林別墅。清黃日紀所築。山麓多古榕。蔡文恭因題曰『榕林』。間有鏡塘。洗心塘。石詩屏。驚亭。小南溟。半笠亭。三白石。百人石。躍雲徑。漏翠亭。披襟台。摩青閣。漱玉峰。榕根洞。亦靈阿。賦閒亭。芄島等勝。墅中詩刻。均爲殷譽之騷人墨客所走筆。多至四十二人。極一時之雅盛也。今改築爲基督教青年會。諸勝悉毀。惟蔡文恭所題之『榕林』二字。猶存於該會毛廁之門楣耳。

望高石山——在城市西南隅。前跨水仙宮。後背望顯祠。左擁廣東公會之小圃。右抱白氏家廟之崗阜。朝海石面。鑄『水天一色』。登高遠眺。艇艤輪軸。絲波白浪。瞭攝眼簾。誠快觀也。山背下地。爲同文中學所購。建築大學院。山南斷約數百步。有糞掃山焉。山石天成。狀如椅坐。數十有八。因名十八石椅。山南臨海。有元帝廟。又曰武西殿。趨階而下。有宮曰龍船宮。海坪有龜蛇石。在望高石山與糞掃山兩間海面。浮出巨石。曰筆架石。俗亦云山。因其峭浮水表。狀如筆架。故名。

獅山——在城市東北四里許。在太平岩後。石勢嵯峨。形如伏獅。故名。（現建公園）

靖山——在城市東一里許。（現闢新區。並築路曰靖山路）

靖山路）

東澳山——在城市東五里許。有天后廟。

東坪山——在城市南七里上李社。

馬隴山——在城北二十里許馬隴社。

金交椅山——在城東溪邊社。

太武山——在海澄縣東五十里。爲廈門外障。一名

太姥山。上有小石城。爲秦建德城。山高千刀。周

圍百餘里。屹立海上。端重聳峭。其南五里。鎮海

衛在焉。東望大海。汪洋無際。一陟其巔。則漳泉

風景。盡在目中。山石多奇蹟。有浴仙盆。仙人跡。

宛然。旁有大石。刻『象徑雲徑洞』。有石塔。建

築工緻。卽延壽塔。中可坐數十人。高數仞。海中

歸帆。望以爲標。（按太武山之名。傳圖經上。有

太武夫人壇前記。謂閩中未有生人時。夫人拓土以

居。因名。）

白鶴嶺——在中岩之西北。離城東里許。因常有白

鶴棲其上。故名。

五通嶺——在市東北三十里。與煙燉山近。謂舊祀

五通神。故名。有巨石二。如門牖。石數十。如魚

首朝天。間一石鐫刻『龍門』二字。傳宋幼主踏過此石所刻也。

薛嶺——在洪濟山西北。薛沙居此。故名。下有覺性院。今圯。

(乙) 區域

第一節 舊制都圖

廈門本屬同安縣治。宋時。同安一縣。分設永豐。明盛。綏德。武德。四鄉。後存三鄉。并爲二十七里。又并爲十一里。卽長興。同禾。民安。從順。翔風。感化。歸德。仁德。安仁。積善。嘉禾等是也。元時。改爲四十四都。而以嘉禾里隸同安縣綏德鄉。分二十一都。二十二都。二十三都。二十四都。共領四十五保。二十一都內附城之市廛民居。分爲四社。卽福山社。懷德社。附寨社。和鳳前後社。社計轄十八保如下。

福山社轄四保：○前圓保○外清保○聯溪保○雙

溪保

懷德社轄四保：○吳厝保○溪岸保○歧西保○歧

下保

附寨社轄五保：○永豐保○西江保○連西保○新

和保⑤大中保

和鳳前後社轄五保

厝保④廈門港保⑤鼓浪嶼保

其後雖略有更變。然各保之名。居民迄今仍沿用之。惟社名則廢置矣。今日統稱禾山。則昔之廿一都廿四都等。計分轄四十五保如次：

二十一都轄五保：①西官保②北山保③西林保④

昭塘保⑤福相保

二十二都轄七保：①古村保②嶺兜保③長塔上保

④長塔中保⑤長塔下保⑥曾溪保⑦院嶼保

廿三都轄八保：①原西上保②原西下保③慶湖保

④呂厝保⑤仙蓮上保⑥仙蓮下保⑦吳豪保⑧吳

豪保麻灶甲

二十四都轄七保：①竹坑保②護安保③店前保④寨

上保⑤後蓮保⑥鍾宅保⑦湖蓮保

据誌載。舊制以廈門四面環海。舟檣畢集。宵小易於藏奸。自是分裂地段。每保各設保長。督同甲長。互相稽查。夜則令十家爲團。共燃一燈。輪流支更。守望相助。隆冬倍加防範。於各保要隘。設立柵欄。以禁夜行。而文武各官。隨時巡察。庶不日久廢弛。以靖閭閻。而絕奸宄云云。所謂保甲制度是也。自警政施行以來。城市區域。分割爲警區。保甲制度。

名存實亡。又以柵欄碍於交通。多所拆卸。及市政施行改革以後。尤起劇烈之變更。所謂保甲制度。遂幾并名而無之矣。然小街僻巷之柵欄。尙多有存者。夜闌更深。司更者加鎖閉。至警界以外之區域。則尙多沿舊制。不過不若前此之具體而已。亦環境使然也。

第二節 舊市區形勢

廈市三面瀕海。惟東部皆山。自太平岩分三支。西南行者澳頭。高一百六十五尺。西立蜂巢山。下濱沙坡尾：北行者爲花山蓼。高一百十六尺。止於蓼花溪。西行者爲醉仙岩。高三百五十六尺。近市諸山。以此爲冠。再西爲碧山峰。高三百十二尺。更分二支。北迤爲虎溪岩。白鹿洞在焉。西迤爲鎮南山。高一百八十二尺。山之西麓。鴻山寺附焉。又過爲虎頭山。高一百六十七尺。盡於海。麒麟山南麓。伸入廈門港。與鎮南山。碧山澳嶺相環抱。廈港市街錯列其中。自成一部。僅藉鎮南關一路與內市通。北出至青墓口。折而西。經靈應殿望高石等處。倏起倏伏。一面瀕海。一面沿小走馬路。大走馬路。五崎頂。而至石埕街。竹仔街。一路漸低。與鎮南山北麓之石獅王街。橋亭街。霞溪仔一帶。中隔壘

黃厝	下井仔	一四	外清	外清宮	一七	溪岸	北烘爐埕	一五	吳厝	一	百家村	一
黃厝	頂大人	一三	外清	頂釋仔	一五	大中	內水仙	一三	吳厝	一	石路街	一
外清	前園宮	一二	黃厝	麵線埕	一三	大中	菜媽街	二九	吳厝	一	妙釋寺	一
外清	蚶壳井	一六	保名	地名	一分所	大中	靈惠宮	一九	吳厝	一	三官宮	一
外清	蚶壳井口	一二	保名	地名	一分所	大中	靈惠宮	一九	吳厝	一	同安內	一
黃厝	北菜園角	一四	外清	石皮仔	一四	溪岸	斗涵頭	一四	吳厝	一	靖山頭	一
黃厝	建盛後	一四	黃厝	寶月殿	一六	溪岸	玄妙宮	一四	吳厝	一	深田內	一
黃厝	石聖王	一六	黃厝	黃祠堂	一八	大中	大路邊	一四	吳厝	一	北田仔墘	一
黃厝	普佑殿	一三	吳厝	吳厝巷	一〇	溪岸	後河仔	一五	吳厝	一	蓼花溪尾	一
黃厝	廣平巷	一四	外清	壁邊井	一六	二分所	二分所	吳厝	吊烏井	一六	一	一
黃厝	丁仔墓	一六	外清	箭場仔	一九	保名	地名	門牌號數	吳厝	公園東路	一	一
黃厝	光眼樓	一三	黃厝	石照巷	一八	大中	公園西路	一五	吳厝	公園南路	一	一
黃厝	黃厝宮	一三	黃厝	九空井	一五	溪岸	公園北路	一四	吳厝	大悲閣	一	一
黃厝	割九墓	一四	黃厝	本部巷	一九	大中	草埔尾	一四	吳厝	太平岩	一	一
黃厝	仁安街	一四	黃厝	北溪仔墘	一九	大中	北門外	一三	吳厝	萬石岩	一	一
黃厝	草埔埕	一六	張前	竹仔河	一三	吳厝	虎溪岩	一三	吳厝	中岩	一	一
黃厝	思明南路	一四	吳厝	鹽水巷	一五	吳厝	醉仙岩	一三	吳厝	白鶴岩	一	一
外清	上田古廟	一六	外清	靖山頭	一五	吳厝	樟範村	一三	吳厝	深田山嶺	一	一
外清	四仙石佛	一七	外清	蘇厝埕	一六	一六	B 第二區署所轄之保界及街衢	統計街衢八十條門牌四五九號	附案	洪本部	一	一
黃厝	石獅王	一六	二分所	白鹿洞	一三	本駐所	地名	門牌號數	附案	興安街	一	一
公厝	周厝口	一二	溪岸	溪岸街	一九	保名	地名	門牌號數	附案	興安街	一	一

〇第三區署所轄保界及街衢

統計街衢一二一條門牌四三二八號

本駐所……

保名	地名	門牌號數	張後	頂大埕	一二三	張後	金新河	一二〇	張後	塔仔街	一二元
張後	同文路	一元	張後	崎宮街	一二三	張後	江厝巷	一二五	張後	五崎頂	一二六
和後	晨光路	一二	和後	寶珠殿	一二六	張前	光景內	一二〇	張前	廿九欄	一二〇
和前	水仙路	一三	和前	鷺江道	一二二	張後	二舍廟	一二一	張後	北義和街	一二元
和後	泰山口	一三	和後	蟬蟻崎	一二九	和後	養元宮	一二六	保名	地名	門牌號數
和後	賣圭巷	一四	保名	本駐所草仔按派出所	張後	六仙公	蚊烟井	一二三	和前	鎮邦路	一二五
和後	釣仔巷	一五	張後	青龍宮	一二三	張前	小走馬路	一二四	福山	港仔口	一二六
和後	卅六崎	一三	和後	打鐵頭刀	一二五	張後	棋杆脚	一二九	福山	打錫巷	一二三
和後	松樹脚	一六	張後	水流巷	一二三	張後	東磚仔埕	一二三	福山	棉襪巷	一二三
和後	竹寮	一六	張後	武當分鎮	一二六	張後	錢爐灰埕	一二五	福山	廟橫街	一二三
和後	和尚墓	一四	張後	泉州街	一二五	張前	後街仔	一二五	福山	中街	一二四
和後	三條街	一三	和後	白厝墓	一二七	張後	石坊	一二六	福山	大同路	一二六
和後	中山路	二四	張前	靈應殿	一二九	張前	大字酒	一二八	福山	橫竹路	一二六
張後	南打銅街	一三	張後	大連興館	一二六	和後	馬厝墓	一二五	福山	恒勝街	一二六
張後	魚仔路頭	一三	張後	北市仔街	一二三	和後	李厝墓	一二三	福山	磁鼓街	一二九
張後	九欄口	一四	張後	講古脚	一二六	和後	木柱樓	一二五	福山	三安街	一二三
張後	虎母尿	一七	張後	相公宮	一二四	和後	廣仔井	一二四	福山	得勝街	一二三
張後	宏漢路	一七	張前	通奉第	一二四	和後	南磚仔埕	一二六	福山	鷺江道	一二三
張後	大墓口	一六	張後	園花巷	一二六	張後	大使宮	一二三	和前	番仔街	一二三

福山	惠通街	一二〇	二分所……	保名	地名	門牌號數	廈港	料頭船	一二五	廈港	壽碧路	一二六
福山	大史巷	一一四	保名	地名	門牌號數	廈港	配料館	一一〇	廈港	火仔垵	一一八	
福山	亭仔下	一一九	懷德	大同路	二一三	廈港	民生路	一一三	廈港	小嶽	一一二	
福山	新路頭	一一〇	懷德	大同路	二一四	廈港	打石市	一一三	廈港	熟肉巷	一一四	
岐西	賴厝埕	一一三	新和	二王宮	一一九	廈港	南菜園角	一一三	廈港	永福宮	一一三	
福山	燕巢巷	一一八	岐西	大墓園	一一六	廈港	馬墓	一一四	廈港	灰窰角	一一〇	
和後	棋杆巷	一一四	岐西	土地公祖	一一三	廈港	金新街	一一六	廈港	大生里	一一六	
和後	祖婆廟	一一元	岐西	帆船街	一一四	廈港	太平橋	一一四	二分所	地名	門牌號數	
和後	布袋街	一一四	岐西	暗迷巷	一一四	廈港	水牛埕	一一四	保名	地名	門牌號數	
和後	和風宮	一一五	岐西	大井脚	一一四	廈港	南打棕街	一一七	廈港	胡里山	一一〇	
和後	柴橋內	一一三	岐西	麥仔埕	一一四	廈港	磨針巷	一一七	廈港	鎮北關	一一六	
一分所海後派出所	岐西	土堆	待入巷	一一五	廈港	大埕	一一元	廈港	東邊社	一一六		
保名	地名	門牌號數	懷德	待入巷	一一五	廈港	魚行口	一一五	廈港	頂澳仔	一一〇	
和後	海後路	一一五	懷德	塗崎	一一四	廈港	南溪仔墘	一一三	廈港	下澳仔	一一元	
保名	D第四區署所轄之保界及街衢	統計街衢五十條門牌三四號	保名	地名	門牌號數	廈港	南溪仔墘	一一三	廈港	大學路	一一四	
保名	本駐所……	廈港	關刀河	一二六	廈港	南烘爐埕	一一五	廈港	大埔頭	一一五		
保名	地名	門牌號數	廈港	市仔街	一一三	廈港	育嬰堂	一一二	廈港	中埔頭	一一五	
廈港	沙坡頭	一一五	廈港	南義和街	一一六	廈港	碧山路	一一六	廈港	小埔頭	一一九	
廈港	十八間	一一三	廈港	大人宮	一一六	廈港	巡司頂	一一三	廈港	沙坡尾	一一三	
廈港	石王公	一一元	廈港	關山宮	一一六	廈港	壽山宮	一一三	廈港	演武亭	一一七	
廈港	圍仔內	一一三	廈港	石榴井	一一〇	廈港	思明南路	一一三	廈港	南普陀	一一四	